

〔朝野群載十五〕陰陽寮

占吉田社司言上怪異吉凶

十一月十九日申時御祭、奉開御戶、鑷舌破損、不被開

十一月十九日丙申時加申、大衝臨戌爲用將裳、中傳送將六合、終大吉將大陰卦遇元首、推之依神事不淨不信所致歟、公家可慎御藥事歟、期怪日以後廿日內、及明年二月九日節中壬癸日也、何以言之、辰上及終將太陰御年上見天空、主不淨不信、又大歲及日上帶河魁、蝮蛇是以主御藥事之故也、至期慎御、無其咎歟。

永久元年十二月十八日

陰陽博士兼因幡權介賀茂朝臣宗憲

助兼主計助權曆博士賀茂朝臣家榮

〔諸道勘文〕八幡御體可被改造否御占相論事

勘申陰陽寮占、今月一日八幡宮外殿御體可被改造新像哉、將可奉渡護國寺御體否、御卜訛謬事、可被造由占申事

今日甲戌時加酉奉宣旨日神后臨丑爲用、將天后、中徵明將大陰、終河魁、將玄武卦遇、狡童佚女天吏、

推之、被改造吉歟、以何言之、用傳并日辰、上皆見吉將、是主吉之故也、

今案件推條、旁有訛謬、具載狀左、

用起神后、中得徵明大陰云々、徵明大陰主穢氣不淨也、一凶終見河魁玄武云々、河魁玄武主不淨不信、

二凶御歲上同之也、三凶大歲上得小吉天空云々、小吉天空主欺殆不信、四凶中略也

右就用傳案之、第一御占、用雖起吉神良將、傳終得凶神凶將、尤不快也、第二御占、尤吉也、三傳雖帶惡將、無內外戰之上、已得禮也者、以護國寺御體被安置於正殿、有何難哉、況長元御占、尤可被准據歟、抑御體事國家之疑議也、當道之大事也、愚管所覃、不可不申、仍所勘申如件、

保延六年五月七日

主計助安部朝臣泰親